

broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 92. sjednici održanoj 17.08.2017. godine, donijela je slijedeći

ZAKLJUČAK

O UNOSU TRANSFERA U BUDŽET KANTONA SARAJEVO ZA 2017. GODINU

1. Odobrava se unos sredstava (primljeni kapitalni transferi od općina 742116) u Budžet Kantona Sarajevo za 2017. godinu u iznosu od 124.000 KM koja su Zavod za izgradnju Kantona Sarajevo doznačena od strane Općine Novi Grad Sarajevo na osnovu "Zapisnika i Sporazuma" o regulisanju međusobnih odnosa na obezbjeđenju finansijskih sredstava nepohodnih za rješavanje imovinsko pravnih odnosa u svrhu izgradnje Sarajevske zaobilaznice LOT 2C - druga faza.
2. Sredstva iz tačke 1. ovog Zaključka evidentirat će se u razdjelu 26, glava 01, potrošačka jedinica 0001 - Zavod za izgradnju Kantona Sarajevo, na ekonomskom kodu: 821100 - Nabavka zemljišta RAX001 - Uređenje gradskog građ. zemljišta, funkcija 044 iznos: 124.000 KM
3. Ministarstvo finansija će evidentirati i proknjižiti uplaćena sredstva i izvršiti plaćanje po naredbi Zavoda za izgradnju Kantona Sarajevo, te pratiti utrošak istih.
4. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-25774-21/17

17. augusta 2017. godine

Sarajevo

Premijer

Elmedin Konaković, s. r.

Na osnovu člana 17. stav (3) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", broj 53/16) i člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 92. sjednici održanoj 17.08.2017. godine, donijela je slijedeći

ZAKLJUČAK

1. Odobrava se preraspodjela sredstava u Budžetu Kantona Sarajevo za 2017. godinu u iznosu 24.500 KM, i to:
 - sa razdjela 33010001 Ministarstvo prostornog uređenja, građenja i zaštite okoliša Kantona Sarajevo sa ekonomskog koda: 611100 - Bruto plaće i naknade - 24.500 KM
 - na razdjel 11090001 Kantonalna uprava za inspeksijske poslove Kantona Sarajevo na ekonomski kod:

2. 611100 - Bruto plaće i naknade - 24.500 KM
2. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-25774-25/17

17. augusta 2017. godine

Sarajevo

Premijer

Elmedin Konaković, s. r.

Ministarstvo finansija

Na osnovu člana 17. stav (1) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", broj 53/16), po zahtjevu Pravobranilaštva Kantona Sarajevo, Ministar finansija donosi slijedeću

ODLUKU

O PRERASPODJELI SREDSTAVA U BUDŽETU KANTONA SARAJEVO ZA 2017. GODINU ZA BUDŽETSKOG KORISNIKA PRAVOBRANILAŠTVO KANTONA SARAJEVO

1. Odobrava se preraspodjela sredstava u Budžetu Kantona Sarajevo za 2017. godinu u iznosu 1.470,00 KM u razdjelu 12050001 Pravobranilaštvo Kantona Sarajevo i to:

Raz.	Glava	Potr. jed.	Ekonom. kod	Sub-analitika	Funkcija	OPIS	Iznos
12	05	0001				PRAVOBRANILAŠTVO KANTONA SARAJEVO	
						Sa ekonomskog koda (budžetska sredstva)	
12	05	0001	613500		033F	Izdaci za usluge prevoza i goriva	1.470,00
						Na ekonomski kodove (budžetska sredstva)	
12	05	0001	611224	CEA003	033F	Naknade za regres za godišnji odmor	670,00
12	05	0001	613700		033F	Izdaci za tekuće održavanje	800,00

2. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-24482/17

31. jula 2017. godine

Sarajevo

Ministar

Prof. dr. Jasmin Halebić, s. r.

OPĆINA CENTAR SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 11.08.2017. godine, verificovao je i donio

ODLUKU

O KOREKCIJI REGULACIONOG PLANA "JAGOMIR I" I REGULACIONOG PLANA "KOŠEVO"

Član 1.

Utvrđuje se Korekcija Regulacionog plana "Jagomir I" ("Službene novine Kantona Sarajevo", broj 20/09) i Regulacionog plana "Koševo" ("Službene novine Kantona Sarajevo", broj 31/04).

Član 2.

Unutar obuhvata koji je razmatran Regulacionim planom "Jagomir I", Korekcija Plana se vrši na zemljištu označenom kao k.č. 294/1, 294/2 i 295/1 K.O. Sarajevo V.

Planom je, na zemljištu označenom kao k.č. 294/1, 294/2 i 295/1, predviđena izgradnja dva stambeno-poslovna objekta kolektivnog stanovanja (spratnosti S+P+2+Pt), zatim dva stambena objekta individualnog stanovanja (spratnosti: S+P+2), vjerskog objekta (džamije) i javne parking-garaže (spratnosti Po+2S).

Korekcijom Plana je:

- na zemljištu označenom kao dio k.č. 294/1, 294/2 i 295/1, izvršena korekcija trase planirane saobraćajnice te je, umjesto dva stambena objekta individualnog stanovanja i jednog stambeno-poslovnog objekta kolektivnog stanovanja, planirana izgradnja:
- stambeno-poslovnog objekta kolektivnog stanovanja (zemljište označeno kao dio k.č.: 294/1 i 295/1), gabarita:

24.0x21.0 m-u građevinskoj liniji (koja je na posljednjoj etaži-sa zapadne strane, uvučena za 1.5-2.5 m u odnosu na donju etažu), spratnosti: S+P+1 - S+P+2;

- stambeno-poslovnog objekta individualnog stanovanja (zemljište označeno kao dio k.č. 294/2), gabarita: 16.0x12.3 m (u građevinskoj liniji), spratnosti: S+P+2;
- na dijelu k.č. 294/1 izvršena izmjena horizontalnih i vertikalnih gabarita planiranog stambeno-poslovnog objekta kolektivnog stanovanja, tako da je isti gabarita: 44.0x20.0 m-u građevinskoj liniji (koja je na posljednjoj etaži-sa zapadne strane, uvučena za cca 2.50 m u odnosu na donju etažu), spratnosti: S+P+2 - S+P+3.
- izvršena dislokacija planiranog vjerskog objekta na dio građevinske parcele na kojoj je planirana javna parking-garaža (uz povećanje horizontalnih gabarita), a na zemljište označeno kao dio k.č. 311 i 322/1 (parcele se nalaze unutar obuhvata kontaktnog RP "Koševo") i dio k.č. 294/1;
- izvršena korekcija regulacionih linija Planom utvrđenih građevinskih parcela koje graniče sa parcelama obuhvaćenim Korekcijom Plana;
- uz objekte kolektivnog stanovanja, Korekcijom Plana je predviđena izgradnja dva dječija igrališta.

Za sve planirane parcele/objekte, saobraćajni pristupi su predviđeni sa postojeće saobraćajnice - ul. Midhata Karića Mitketa i sa novoplanirane saobraćajnice na istoku.

Za stambeno-poslovne objekte kolektivnog stanovanja, parkiranje - garažiranje je predviđeno u sklopu zajedničke garaže u podrumu i vanjskih parking mjesta.

Član 3.

Unutar obuhvata koji je razmatran Regulacionim planom "Koševo", Korekcija Plana se vrši na zemljištu označenom kao k.č. 310/2, 311 i 322/1 K.O. Sarajevo V.

Planom je, na zemljištu označenom kao k.č. 310/2, 311 i 322/1, predviđena izgradnja javne parking-garaže (spratnosti Po+2S).

Korekcijom Plana je:

- na zemljištu označenom kao dio k.č. 310/2 i 311 izvršena korekcija trase planirane saobraćajnice,
- izvršena dislokacija planiranog vjerskog objekta na dio građevinske parcele na kojoj je planirana javna parking-garaža (uz povećanje horizontalnih gabarita), a na zemljište označeno kao dio k.č. 294/1 (ova parcela se nalazi unutar obuhvata kontaktnog RP "Jagomir I") i dio k.č. 311 i 322/1.

Za planirane parcele/objekte, saobraćajni pristupi su predviđeni sa postojeće saobraćajnice - ul. Midhata Karića Mitketa i sa novoplanirane saobraćajnice na istoku.

Član 4.

Korekcija Plana sastoji se iz tekstualnog dijela i grafičkih priloga Izvod iz Regulacionog plana "Jagomir I" i Regulacionog plana "Koševo", M 1:1000 (list br. 1), Korekcija Regulacionog plana "Jagomir I" i Regulacionog plana "Koševo", M 1:1000 (list br. 2), Korekcija Regulacionog plana "Jagomir I" i Regulacionog plana "Koševo" - Presjek, M 1:250 (list br. 3) i Plan parcelacije sa mrežom građevinskih i regulacionih linija, M 1:1000 (list br.4).

Tekstualni i grafički prilozi Korekcije Plana sastavni su dio Regulacionog plana "Jagomir I" ("Službene novine Kantona Sarajevo", broj 20/09) i Regulacionog plana "Koševo" ("Službene novine Kantona Sarajevo", broj 31/04).

Član 5.

Korekcija Plana je radena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima koja su sastavni dio Regulacionog plana "Jagomir I" i Regulacionog plana "Koševo", te pribavi saglasnosti nadležnih javnih komunalnih preduzeća.

Član 6.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva u Službi dokumentacije Općine Centar i Zavoda za planiranje razvoja Kantona Sarajevo.

Član 7.

Ova odluka stupa na snagu narednog dana od dana objavljivanja na Oglasnoj ploči Općine Centar, a naknadno će biti objavljena u "Službenim novinama Kantona Sarajevo".

Broj 07-23-7313/17

Općinski načelnik

11. augusta 2017. godine

Prof. dr. **Nedžad Ajnadžić**, s. r.

Na osnovu člana 46. Zakona o prostornom uređenju Kantona Sarajevo ("Službene novine Kantona Sarajevo" br. 7/05) i člana 25. Statuta Općine Centar - Prečišćeni tekst ("Službene novine Kantona Sarajevo", br. 23/04), načelnik Općine Centar, dana 11.08.2017. godine, verifikovao je i donio

ODLUKU

O KOREKCIJI REGULACIONOG PLANA "BREKA"

Član 1.

Usvaja se korekcija Regulacionog plana "BREKA" ("Službene novine Kantona Sarajevo", br. 34/11) u daljem tekstu: korekcija Plana.

Član 2.

Korekcija plana se odnosi na stvaranju planskog preduvjeta za ukidanje dijela planirane saobraćajnice na zemljištu označenom kao k.č. 1064/1, 1063/3, 1063/11, K.O. Sarajevo V u dužini cca 90 m što će vlasnicima omogućiti nesmetani prilaz ulazima u svoje objekte koji se Planom zadržavaju, dok su prilazi susjednim postojećim i planiranim individualnim objektima zadržani sa postojećih priključaka sa Ulice 105. brigade (grafički prilog broj 2.).

Član 3.

Korekcija Plana sastoji se iz tekstualnog dijela i 2 grafička priloga koji su predmet korekcije.

Tekstualni dio i grafički prilozi korekcije Plana su sastavni dio Regulacionog plana "BREKA" ("Službenim novinama Kantona Sarajevo", broj 34/11).

Član 4.

Korekcija Plana je radena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "BREKA", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Centar, Zavoda za planiranje razvoja Kantona Sarajevo, Gradske uprave i Ministarstva prostornog uređenja i zaštite okoliša Kantona Sarajevo.

Član 6.

Ova odluka stupa na snagu narednog dana od dana objavljivanja na Oglasnoj ploči Općine Centar, a naknadno će biti objavljena u "Službenim novinama Kantona Sarajevo".

Broj 07-23-7715/16

Općinski načelnik

11. augusta 2017. godine

Prof. dr. **Nedžad Ajnadžić**, s. r.

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar - Prečišćeni tekst ("Službene novine Kantona Sarajevo", broj 23/04), Općinski načelnik, dana 11.08.2017. godine, verifikovao je i donio